

漢溪書法通釋

書也者如也王謝如其逸旭素如  
其狂凡屬博雅能文者假之以黼  
藻性情而驅走羣言雲霞披拂以  
故墨池之濶不下朝夕之濱焉當湖  
戈君漢溪文披霧散藝浙川流  
轡龍虎之粹章輯鳥虫之蝨冊  
閒綜秘詣次為八卷攷之赤斧素

彘未瞻全翰已驚異彩學者從事  
心畫得是編而指掌可稽位之藝林  
應與晉宋諸公更分一席矣大雅多  
能如是如是乾隆庚午正月錢唐  
金志章江聲氏叙

周官保氏以六書教國子所重者辨形聲  
謹點畫而已自秦以降日就簡略始變古  
文為小篆於是草隸以興筆法亦重漢陳  
遵與人尺牘皆藏去之以為榮魏晉以後帝  
王公卿競習於此北朝張景仁以八體位置  
通顯史臣至稱為蒼頡以來一人法書之重與  
文學爭權矣當湖戈君漢溪宏通士也手輯  
書法通解頗詳於用筆結體首載所撰述古

篇據樵與衍突過竇泉其素學大有根柢  
不獨工書也漢溪抱高才必以文學遭遇此  
編行為道山延閣之藏奚必如盛熙明之法書  
考賴奎章學士沙刺班之薦引乃彪炳  
炳於寰中耶樊榭厲鶚撰

凡學必循法況書為六藝之一其  
不可師心明矣自秦漢以降書之形  
體遞變至於今無復保氏所學之  
舊又變刻畫而翰墨之法將安放  
雖能既為隨時使用之書即自有  
隨時合用之法譬諸詞曲元以來尚  
之其視古之皇考下里雅俗相去已  
不知何等更何論唐虞三代之樂

章一終苟非喉舌屑齒以宣其音宮  
商以叶其調苟不能度諸口者其  
精嚴亦改與雅果無殊法之不可已  
也如是今之書何獨不然特是詞曲  
之法具於譜按譜而節之即可按  
節而歌之而書之法由漢魏至今而  
譜為圖為說非不樊然瞭然其間  
往者雖顯之情數而未盡又多比

儼形似之詞侯後之人遂志而得較  
諸詞曲之譜豪髮無遺者頗有間  
則索解之難其人也當湖戈子浚通  
經史百氏其詩文自卓然名家分貝餘  
畧以游藝金石之蹟既幾於古矣目取  
前賢端書要旨分為八卷而講解之  
名曰書法通解與而昭約而盡書學之  
津梁藝林之標準乎此其選也學者



實是書而盡心焉昭而得筆經而忘  
筆鏗王顏柳叢於擊下矣且由是  
見仁見智以漸而源秩摛則追皇古  
源言難矣即以是書為書法大全  
奚為不可耶仁和吳啟心叙

詩書六藝謂之文故言文必兼六藝  
惟書是以驗治亂紀厚德三五以來  
靡不尚之是以岐陽之詩孔壁之書  
千石之銘延陵之誌古者咸奉爲  
楷式自隸草既興而古法逮盡雖  
有蒼籀字林等書涵波討源安保

無陸耶顏平原平祿字書一掃視  
晉荀簡脫略之習直中唐之砥柱  
也戈君漢法學究之書輯成通  
解一部不獨援據精核抑且引申  
詳盡嘉惠後學尤日小補之於鄉林  
梁詩正撰

書者文人之餘技也張懷瓘曰論人才能先文而後墨自羲之前後一十九人皆兼文墨者不偏廢故古人津乎不倦焉然韓浦文陋擬之草舍過庭字少況彼閭閻必俟宏達之才談以通人之目斯固非易事歟是故書有鍾張義獻之跡猶文有經史百家也原之為譜摠之為訣調理之為論申而明之為法猶其有經有緯抑且有疏有註也臨摹者記誦之學也學不可不博臨摹不可不遍也復古以

立家由博反約之道也他若秦八漢六能書者無弗  
通猶之三唐兩漢能文者無弗貫也若其於書如  
此於文又如彼所謂學遍書部時善乎言窮六  
藝於懷抱究八體於毫端齊安陸之具也多才  
豐藝強記洽聞草隸兼善尺牘必珍楊荊州  
之才也斯則通於文墨而非偏長者矣使徒以書  
為業也亦何足以語於此乎

目次

第一卷

述古

述古篇

名人論書

第二卷

執筆

執筆圖

執筆論

第三卷

運筆

智永永字八法

顏真卿八法頌

柳宗元八法頌

陳思八法詳說

八法頌

第四卷 運筆

八法化勢

第五卷 結字

歐陽詢結字法

第六卷 款法

梁武帝觀鍾繇書法十二意

智果心成頌

顏真卿述張旭筆法十二意

古今傳授筆法十三訣

張懷瓘論用筆十法

陳繹曾為學綱目

董內直書訣

第七卷 譜序

王羲之傳子敬筆勢論



霽雲閣珍藏

虞世南筆髓論

第八卷

譜序

孫過庭書譜

姜夔續書譜

述古卷第一

漢溪戈守智達夫纂著

恬浦陸培南香全叅

受業陸聲鍾大乾編次

述古篇

余既纂集斯編草行真楷法無不備然自兩粟以來  
古法寢遠其間因世更易迄於今茲凡百有餘種轉  
相祖述不可以沒也故為述古篇以誌之

伊羲皇之初造維倉帝之受圖文明日開靈兆應符

既宣八卦爰啓六書規蹠迹之跣跣象奎宿之聯聯

遐哉上古古文名焉五帝之世異體間出宛宛黃龍

師相是則庖羲受之龍書爰飾金天乎冀鳥以紀官

靈禽來止厥書維鸞聿高辛氏以人紀事曰仙人書

車服以視鬱鬱紛紛規彼卿雲黃帝作卿雲書夏后以鐘鼎

為象炎農以八穗稱神后羿控弦而日書爰作唐帝

紹古而龜書聿新若其漢首微尾尉爵飄颻則有科

斗古字傳自高陽暨夫天竺摩挲梵及佉摸季弟並

賢左轉右旋蘇氏曰書之左兄弟凡三人長

名建其書右行次名休其書左行少

者倉頡其書下行世及後漢居於天竺倉頡  
居中夏其書取法於淨天倉頡因華於鳥跡  
者皆創始平直取象方圓在史皇之上下托沮  
頌之後先夫疇不嗜古何欣初則著而季世無  
傳獨有堯碑禹碣流水之狀螺書扁刻精光遠  
漾其在今世典刑最上豈非神物呵護名山祕  
藏拾遺記室同山有堯碑禹碣又雲密  
時有禹時三代之遺文憲不徵僅存彝鼎厥初  
象形繼以紛更封岱者七十有二而體無一倫  
大抵皆出於厭祥不若同文之為盛抑且漸接  
於淪夷半歸疑似而不信事有蚊脚鵠頭定為  
夏書羌奇古而

不可識慨漢制之不如初殷則務光肥遯匿跡岩阿  
微風動蕤交映清坡成紫經而遠引辟白雪之高歌  
巫咸作乂懋德克勤觀轉蓬而造體若隱翳以繽紛  
爾其表姬昌之惠懷於馴致之騶虞惟彼史佚實造  
席書抑且赤雀入戶白魚載舟赤以文治白以武佚  
言制鳥魚之書俱應符瑞之酬故鳥翻空外應題幡  
信所以標示於四隅非答仁迦於西振若其表信序  
爵璽文爰作於下璽之以揭嫩惡亦有休烈以誌不  
忘厭書維何鐘鼓旂常更稽周書所載媒氏所執表

信之文芳填之式判桃李之佳辰紀絲綸之善匹泉  
府既啓爰作制書銘則銖兩合數形則刀布各殊他  
若書思對命文武班超則有列書記笏爰書載史異  
夫穆滿巧授書跡甚險刻贊皇之壇山似後來之小  
篆蓋周之繼也車書遷延侯伯自擅華乳浸多奇巧  
鬪炫略稽胡公之桐棺已知古文之大變蓋自皇顓  
二千餘年迄周宣之世史籀一十五篇得大篆之備  
大篆之制體圓而數根抵古韻灝氣內存典型百代  
文字九千用以教授史書名篇其次複篆於今罕傳

漢武之朝重之建章之闕署焉別有籀文亦原史籀  
視頡體而澹夷較大篆而勁瘦緬其蟠匾遺意古字  
蒼茫石鼓十二勒頌岐陽恍靖康之末載已淪跡於  
北荒其後侯不西歸王遂東轍臣下專制異體詭譎  
然孔子脩六經之文邱明釋春秋之傳必從古文昭  
然義見若乃其吁其邪時藏時卷獲麟絕筆反袂拭  
面紀瑞有徒援筆載書作麒麟之篆表素王之符其  
義不經固未易信歟轉宿維何熒惑退舍有宋司馬  
因形假借狀水渠之辨掩若河珠之光瀉若乃秋胡

遠仕在再三年蠶蠕再火桑澹初煙聞垤鶴而懷思  
作蟲篆以柔綿嗣此兵刃交結羽書四馳文行中外  
七國自區乃有芝英之書龍席之書鳳魚之書水藻  
之書內以信之於守禦外以達之於邊儲音聲楚夏  
形製爾吾均失六書之精意豈成一字之規模更有  
傳信鳥跡行於諸侯節文用飾符文是脩斯則略存  
古意不盡矯揉若乃風馳電激雲集星流戎書赴急  
惟捷是優望之則驚勢飛透察之則輕筆迅投乃宣  
言而省日亦操觚而易酬秦之興也帝醉而執首錫



書焚而鳥跡夷斯相利喙趙宦決蹄故較量重輕則

大篆不足以談小說八體不足以償十失

秦焚書惟易與大篆

得金秦八體書一曰大篆二曰小篆三曰刻符四曰略

曰志書五曰摹印六曰署書七曰殳書八曰隸書

而取之居然皇頡之苗裔而史籀後之善述者也其

時奏罷異同各創文字斯則倉頡七章述古遺意雖

機杼之在我循繩墨而不跋趙則爰歷七章典而可

據辨章舊聞發以新趣胡則博學六章意在旁羅視

群有以飭體規數世而大篆要皆超篆籀之羣利扶

義皇之與祕括衆妙以呈材剔繁雜而就易蓋亦有

度越前世者故至今猶傳述小篆弗替若夫崑山會稽之碑著秦望之範圍亭亭峻峙曄曄乎曄曄長風之萬里仰鸞鳳之於飛瘦毫柔轉乃為細書脫道潤而金溢若過嶺之雲虛惟祖龍石刻是矣亦繇篆之權輿鳥頭雲脚符璽所錫紫廼內統組織旁連高行符璽之令胡亥於是乎學焉摹印近隸廓然方正冲澹内存澀鋒老鈍如古字摩崖枯杉掣振若夫古韻之書與篆殊形或寓蛟螭之柱啄或圖雲氣以藻靈故別列為一體存威鳳之儀型惟象形篇遠紹高辛

紀以篆籀飄瞥仙人茲數書者雖或傳或否有創有  
因而皆宗於小篆統以咸秦逮獄吏深文篆書體壞  
乃有次仲八公爲始皇所稱快徵之不至獲傳其派  
佐書之造造於程邈邈本徒隸隸尚省約合於時務  
秦嘉其才出雲陽之獄趨烏夜之臺其書鳳翥鸞翔  
花繁露灑折蔓準之曲波磔燕尾而開張更有尚方  
大篆亦其所造屈曲成文不分醜好爾乃函關經營  
於西匠秦宮連亘於南山乃有題署之字郁郁編爛  
輕颺肥媚飛燕玉環不逾時而秦宮入火漢沛歌風

歡騰舊里慶溢新豐乃有紛紛翼翼風書振翰凌清  
澄之間靄壯天表之爲鸞更有蕭何籀書善用秃筆  
白帟蒼龍魏義二關一日徧題構思三月星離雲布  
文明煒燁於時有尉律以課學童能諷九千字以上  
者以史傭更以六體課之文無一定惟課取者擢史  
書令偃波之書迴互掩映有尚書臺執司樞政其點  
筆昂起則曰鶴頭脫引首而展翅若鴻鵠之羣遊其  
輕筆垂下又稱蚊脚伊曲駐而折送似昏蟲之纖弱  
更有帛爪之書虬然清勁召官用詔求賢束聘繫鶴

之意至高蒲輪之典最盛惟對孫通淵涵與博六藝  
旁求學古不鑿於石郭銘知科斗之能精於讀書臺  
為李斯所不若其後田蚡作相制逾其前學為盤盂  
之頌孔甲二十九篇厥旨寢湮不盡述焉至於採日  
辰禽之勢為氣候時之書時則春秋冬夏之不相襲  
禽則屈伸升伏之不相如伊史遷之巧構羗紆前而  
折後因朱火以紹祥紀王正之居首凡將一書才非  
八斗蓋漢之盛也伏生今文竇公古籍蚡辨則三老  
孝經長短則五帝封策雖撫秦火之煨燼猶見先民

之體格其後學士陳遵執司記錄殿前之紫芝三莖  
筵上之清歌一曲乃述芝英之書潤咸熙之乎玉昆  
明之幸導也惟蹕望水天子森漫惟魚鳥子聳耳幽  
意淡焉魚書再述若乃女子獻經於河內共王得書  
於壁中壁經者減字科斗其源出於周室之既東引  
而申之更以隸古餘則送之上官藏之書府校文天  
祿繼有劉歆弁史籀於十家之右附小學於六藝之  
林若其波險挾八分之勢赴急仍七國之舊草之史  
游亦名急就援小學以立體雜百家而旁選撰於子

雲乃名訓纂至於漢興而有奇字奇字酷實於子雲

雖體勢茂密而於古無聞蓋祿綴三代以來逸見之

體加以一傳再傳脫略之誤雖美以載酒之談寔訾

為濫觴之路朱趙官光及艷夫金錯之珍瑤英之重

鍍金以飾赤仄以封乃盤匣之盤龍新臺之舞鳳故

莽錢四品甄書六體雖非漢之舊規而卒猶有稱美

者新莽使馬甄校文字之部頗改定古文時有六書一曰古文二曰奇字三曰篆書云小篆也四曰

佐書五曰籀降及東漢之時承先世之餘烈脩歷代

篆六曰鳥蟲之典型五經釐於載籍之府三史成於著作之庭乃

有懸針曹喜之篆列於經史之文秉籀斯之勁銳兼  
垂露之縝紛垂露之狀金盤瀉珠風篁雜雨阿那子  
濃垂抑揚子輕舞宜其懸之帳內隸之甲部章帝愛  
草以草名章本史游之所製及崔杜而名揚若乃班  
固龍舉之奇方平墨跡之異非可傳為楷模祇是存  
其逸事逮後賈魴能隸常著三倉隸篆之體為隸之  
坊乃以倉頡為上凱篆為中省繁就簡咸以義通滂  
喜自製之為下篇俱為漢隸奧旨以宣然尉律不課  
小學不脩維賈逵奉詔疏其源流逮汝南許慎受學



於達著說文之部立百代之規其書宏麗典則至今  
是垂若乃俗師失讀古字罕通杜林訓故亦傳衛宏  
有十二時象神之書乃東陽徐公之所創雖原史籀  
以造端亦自窮形而盡相異夫素書垂世八角議郎  
誦習三年既前賢之祕鑰又石室之精傳於是六經  
校刻三體煥發嵩山書在古字幘幘太學碑成肩摹  
絡繹故自三倉出而隸書全三體廣而八分闢更有  
飛白異體古今雜形邕之餘緒亦自超倫若其傳述  
九勢更為要津龍筆陣之精意開筆心之妙論惟張

芝能一筆篆尤能一筆草章草為史游所述今草乃  
伯英所造其書天矯遷延盤踞踴躍繼以草行草葉  
乃分書聖書賢其或類科斗而不真同迴鸞而宏遠  
惟瓔珞之垂垂貫縷絲之纏纏視草勢而明整較正  
體而婉轉惟行狎之翩翩漾層波之汚汚是二書者  
肇於德升緩則輕葉振影疾則商雲奮騰更聞竊拊  
而飲分書傳鵠鵠師宜官宜官轉屬有王次仲出守  
上谷高兵義兵於今不復隸有秦隸漢隸唐隸之不  
同其朴拙無文者蓋于初  
執筆為書者謂之秦隸六朝人多為之所謂披沙揀  
金往往見實是也漢隸者三倉所傳及漢諸碑銘是

也。唐隸者如考經石刻之類肥媚成習。開元時尚如此。八分亦有今古不同。秦時王次仲所造。古八分也。在隸之前。所謂八分喻父。隸書喻子。以隸視八分。猶康駝之與古鼎也。然此法不傳。蔡邕乃復為之。所謂取程隸二分。取斯篆八分。而為八分之書。今夏承碑猶傳焉。勢方廣而少波折。唐人酷嗜之。雜摭篆體。加以挑踢。故昔人又譏唐人八分。乃其偽為者也。更有今八分者。蕭子良所謂漢靈帝時有王次仲者。與秦時王次仲同名。乃為上谷太守。亦嘗作八分書。傳師宜官。宜官傳梁鵠。蔡邕輩鍾元常名之。為章程之書。即今楷書是也。故後漢王次仲實造楷法。唐乎度及宣和譜序無異詞。而漢人同謂之八分。故無楷書之名。又如鍾元常王逸少父子諸帖俱是楷書。而晉唐以來如蕭子雲又稱逸少父子不及元常子敬不及逸少。因此研思。遂悟隸式過庭稱為元常。隸奇太宗又稱子敬。餓隸則又以楷稱隸。故亦無楷書之名。其實漢之八分。唐之隸書。與楷書淵稱。故歐陽集古錄跋則以隸與八分為一。趙明誠金石錄又云。隸者今之楷。

書亦曰真書又曰八分也。隸也。楷也。似皆一體也。故  
前賢論三體之書說如聚訟而俱無定說。邨見如左。  
敢質故書之作於漢而用於今者有三。草始於史游  
高明。故書之作於漢而用於今者有三。草始於史游  
繼以崔杜而伯英與之參。楷則始於次仲盛於蔡邕  
而宜官梁鵠附其班。行書後出體態最嫺。始於劉君  
嗣之。門傳之胡肥鍾瘦而絕少與之躋攀。若其力能  
存古或者意在過新。雖魏晉以降不能拔出前人。然  
厥迹可慕則微文不湮其缺然者亦擇而不精者也。  
魏則博士張揖援據特詳古今字詁。廣雅埤倉別義  
例於纖微。括奇譎於荒虐。其在曩世罕與之抗。邨鄭

子矦蕪善八體石經更拔廣雅是紀尤得許氏之傳

著為字指更有逸人步蛇遶身作為蛇篆如雜醜輪

或曰魯人唐終所作烈權休詔震震震震吳烈權為其傳備諱

避不與文參若夫一臺二妙三謝五之書必稱晉固

其宜也爾其黛楚楚子半踦柳絮繁而四垂妙寫濬

源於薤葉惟衛瓘之所為至於翰動若飛字落如雲

衛恒邁俗與古為羣露下地而未濡花枝法而欲滴

恒之露書攸然沉凝掩蟬葉子呈素流石髮子疏青

恒為散隸勢欲飄零至若右軍龍爪之書微風澹月

筆意蕭疎僧虔帚爪之書張牙屈鐵骨法清癯和嶠  
荀勗中經千言而意屬即漢李靜李忱小篆一字而  
殊貴此中豈無差等此事自在推尋至於落英茂木  
寫出陽春瑞華錦字筆下繁蕤則齊武花草之書也  
柔毫婉轉變鍵將升微波輕疊紫翠徐凝則河東雲  
霞之書也昂若軒舉引風而欲亮斜若曳尾含毫而  
欲放則江夏王鳳諾之書也疎枝漏月未整而欲斜  
微風偃草旋翳而若遮則梁孔敬反左之書也筆情  
嫵媚花搖清淺之溪筆心圓緊影瘦橫斜之枝則又

長沙王梅花之書也。爾其庾元威、陶治、隸古。庾元威本諸古

篆化作二十種隸書。有星隸、填隸、幡信隸、鐘鼓隸、龍

希隸、鳳魚隸、麒麟隸、仙人隸、科斗隸、雲隸、蟲隸、魚隸、

鳥隸、龍隸、龜隸、鸞隸、蛇龍文隸。宋宗炳編次真草。宋宗炳出

隸一筆隸。古文隸。小科斗隸。九體書曰隸。素書簡奏書。成表書。弔記。書行狎書。機書。葉書。半草書。全草書。搜遺跡以增

華引新機而克造。若夫江強勿替傳掌五世。江式繼

顯微文再闡。斯則雖乏精意。猶有舊典。又若述體於

雲英。已有譏評。造字於魏。素更多竊笑。乃斯文之陋

而燭火之餘照也。唐則八法既廣。五體復煥。一日古

不用。二曰大篆。惟石經載之。三曰小篆。印璽諸碑所

用。四曰八分。石經碑碣所用。五曰隸書。典籍表奏公

私文疏所用

校字有官習書有館故始以四家繼以八傑

固昭然若河漢焉聿有陽冰時稱篆席不涉時流心  
期上古前身李斯今師唯許乃展說文字統以舉開  
元文字仍述字統隸書之下以篆為宗大曆張參更  
定五經聿開成中九經以充然皆淹浚古字咸以隸  
從蓋石經自漢始校至魏而重光一整於隋隋至德中詔求  
天下遺書三更於李唐開成以來弃古字於草莽崇  
今隸以軒冕至於經生不識篆籀之文博士不知傳  
家之典吁可怪也雖武宗朝鄭覃以經籍刊繆欲仍



漢之舊文然簡略已便又無絕類離群者相與讎校  
篆籀而得還其舊聞也噫嘻古道寢遠莫之能返如  
是云云蓋在武后馭世蠹壞已滋或舛用而麗雜或  
假托而支離雖止一十九字而文教之衰後世猶為  
深嗤也他如五雲之體造於韋陟一字典型花書之  
式豈其邠國之望高反掩意真之文墨連綿之體造  
於呂向一筆迴環縈絲之狀絕殊崔杜之丰規而似  
旭素之顛放若其偶爾之會聊以代筆厥有振襟之  
書重光所述裴太原袖裊煙霞李後主襟藏蘭蕙

猶指掌之書用以題署始自溫公貽於張高閣諱賜  
書之榮齋銘隸華之句至於輕勁而為瘦金肥厚而  
稱堆墨或雜以波水之形或兼以籀龍之筆斯則猶  
之元和柳樣擘窠顏書院體宋人之習尚制誥唐賢  
之緒餘此又大同小異無所於拘故知人文之瑞創  
始古文旋加斲焉而大篆興滅焉而小篆行散焉而  
分隸遙縱焉而草行逞美漸有肆心故自唐以下用  
筆不精自宋以下用意不深果能根據篆籀統括古  
今丰彩自茂氣味自醇如張陶唐氏之舞聆葛天民

之音有不令人渺焉高瞻而曠然怡神耶

名人論書

學書不可貌似貌似者反增一種習氣如優孟之  
效孫叔敖豈不為識者笑耶然學勿能至大都習  
為惡狀故前輩於諸名書每每指摘其瑕疵雖責  
脩賢者之意亦欲使學者奪胎換骨毋蹈其習氣  
耳且使臨倣名書而不涉一毫習氣即未至奪胎  
換骨而於斯藝猶為可欲而不可惡也今集名論  
唯腴詞不錄其有名顯而蹟已滅或蹟存而非世  
所宗尚者亦不復道其所以也

書斷曰杜氏極有骨力而字畫微瘦崔氏之法書體甚濃結字工巧時有不及

書斷曰張芝損益伯度章草亦猶逸少增減元常真書雖巧於潤色精於斷割意則義矣至若高深之意質素之風俱不及其師也

山谷集曰蔡琰胡笳十八章最可觀不謂沅落僅餘兩句亦似斯人身世耶

書斷曰鍾胡俱學於劉德昇而胡肥鍾瘦鍾勝於胡又曰鍾張則筋骨有餘膚肉未瞻庾叔預效鍾體雖穩密

有餘而傷浮淺

米芾曰衛夫人書載於閣帖者乃李懷琳偽作

筆勢論曰王衛世為中表王曠得蔡邕筆勢於衛夫人藏之枕中羲之七歲竊而讀之因授之李嗣真曰右軍筆變古質理不應減鍾故云或謂過之書斷曰逸少剖析張公之草而穠纖折衷乃愧其精熟損益鍾君之隸雖運用增華而古雅不逮又曰元常每點都異羲之萬字不同褚遂良曰逸少草書格律非高功夫又少豐圓妍美乃乏神氣無戈戟鋌銳可畏無物象生動可竒得

重名者以真行故也。又曰：逸少草有女郎才，無大夫氣，不足貴也。陶隱居曰：逸少學鍾勢，巧形密，勝於自運。廣川書跋曰：羊欣稱皇象善草書，張懷瓘唯稱象小篆入能，疑吳大帝碑後來出土，前人或未及見。

書斷曰：獻之始學父書，正體乃不相似。章草殊相擬類，筆蹟流澤，婉轉妍媚。乃欲過之，王僧虔曰：獻之骨勢不及父，媚婉過之。張懷瓘曰：羲之正書比鍾繇，鋒芒峻勢多所不及。獻之遠減於父，鋒芒往往直筆而已。鋒芒者，若犀象之有牙角也。又曰：子敬不能純一，或草行雜糅。

神會之間鋒不可當也宏逸道健過其家真虞繇曰二王暮年皆勝於少父子之間又為今古

王僧虔曰羊欣行書猶善真乃不稱名沈約云敬元善隸書學於子敬時人云買王得羊不失所望今大令帖中風神怯者往往是羊書也

王僧虔曰謝綜書緊潔生超實為得賞至不重羊欣羊欣亦憚之書法有力恨少媚好

王僧虔傳曰蕭思話書羊欣之影風流媚好殆當不減筆力恨弱書斷曰蕭書肥鈍無力者悉非也今之謬賞



十室九焉。又曰。假如學子雲書。雖童儒皆知大略。見者無不云學蕭書。欲窺鍾公。則牆高數仞。罕得其門者。王僧虔傳曰。孝武擅書名。僧虔常用拙筆為書。以此見容。故其書不以豔麗為工。

書斷曰。阮研書有李信王離之攻伐。無子貢魯連之變通。

書斷曰。薄紹之憲章小王。時越羊欣。陶隱居曰。學阮研書者。不得其骨力。婉媚唯學。學拳委盡。學薄紹之書者。不得其批研淵微。徒自經營。嶮急。

書斷曰智永遠祖逸少歷紀專精微尚有道之風半得右軍之肉其精熟過於羊薄氣調下於歐虞米芾曰智永做元常宣示每用筆曲折其意宛轉回向沉著收束所謂當下筆欲透過紙背者自唐以後則此法漸漸盡矣

書斷曰智果傷於淺露若吳人之戟輕進易退勇而非猛虛張誇耀毋乃小人儒乎夫筋骨藏於膚肉山水不厭高深而此公稍乏清幽

虞世南傳曰同郡智永善義之書世南學焉嘗於道字

有悟王弼州曰歐虞並登神品而徃徃左袒永興余初以爲虞之肉未勝歐之骨及觀汝南公主誌銘草見其蕭散虛和有筆外意可並蘭亭詩序米芾曰世南書如術休糧道士神氣雖清而體勢疲困

米芾曰歐陽詢書如新瘡病人顏色憔悴舉動辛苦書斷曰歐陽詢驚竒跳駿不避危險傷於清雅之致然自羊薄以後略無勁敵唯永公特以訓兵精鍊議欲旗鼓相當歐以猛銳長驅永乃閉壁固守又曰歐之與虞可謂智均力敵亦猶韓盧之追東郭魏也論衆體則虞不

逮但歐若猛將深入時或不利虞若行人妙選罕有失  
辭虞則内含剛柔歐則外露筋骨君子藏器當以虞為  
優

書斷曰褚遂良祖述右軍真書媚趣歐虞謝之其行草  
之間即居二公之後墨池編曰遂良多法或數鍾公之  
體而古雅絕俗或師逸少之法而瘦硬有餘李嗣真曰  
褚氏臨寫右軍亦為高足豐豔雕刻盛為當今所尚但  
恨趣少自然功僅精悉耳米芾曰褚書如較戰馭馬舉  
動隨人意而別有一種驕色

書斷曰陸東之自矜質朴恥夫綺靡故欲暴其瑕疵同夫馬不齊髦人不櫛沐雖為時所鄙回也不愚拙於自謀有若通人君子猶善運筆或至興會則窮理極趣矣調雖古澀亦猶文王嗜昌蒲蘊孔子盛額而嘗之三年乃得其味一覽未窮沉研斯精然工於效倣劣於獨斷以此為短也

書斷曰孫虔禮少工用而有天材真行之書雅於草矣用筆雋拔剛斷尚異好奇黃山谷曰孫虔禮書名烺烺一時獨竇泉貶之曰凡草間闕之類焦竑曰昔人謂其

十字一律如風偃草蓋輕之也

東里集曰歐陽蘭臺書矩矱森嚴意度飄逸但少含蓄之趣王弼州曰蘭臺書瘦怯於父而險峻過之其道因碑如病維摩高格貧士雖不饒樂而眉宇間有風霜之氣廣川書跋曰蘭臺筆力勁健盡得家風但微傷豐濃故有媿其父至若驚竒跳駿不避危險則無異也書家又謂通比詢書傷於瘦怯而薛純比詢書則傷肥鈍今觀其書可知也

書斷曰薛稷學褚書尤尚綺麗膚肉媚好得師之半可

謂河南公之高足甚為時所珍尚雖范睢之口才終畏  
何曾之面責聽言信行亦可使為行人觀行察言或見  
非於宰我趙孟堅曰褚河南稱八分古雅一切尚之甚  
有疎拙薛少保發越褚體飄揚透徹一尚不回幾致迂  
疎時語曰買褚得薛不失其則

石墨精華曰北海之書逸而道元章謂其如乍富小民  
屈強生疎似為未當王弼州曰北海碑文庸陋又於杜  
拾遺集中見其一詩穉語殆不可曉何以負于將其邪  
稱於世耶其書翩翩自肆乍見不使人敬而久乃愛之

如蔣子文佻健嗜酒骨青竟為神也。米芾曰李邕出自子敬而體乏纖穠。

王弼州曰韓擇木書於漢法雖大變然猶屈強有骨。明皇酷嬖太真無所不似分隸都作豐容豔肌之狀。老杜詩云書貴瘦硬方通神蓋有感也。

石墨鵠華曰蘓靈芝與胡洵然齊名大都源出聖教序而肥媚為多尚不及王縉書王清源碑而宣和書譜擬之季海伯施季海不足論但恐伯施於地下笑人。王弼州曰靈芝鐵像碑遒勁有逸氣然令景龍間虛和之度



埽地矣。

集古錄曰。胡沛然書法雖未至。而媚熟可喜。

董思白曰。四聲定於沈約。狂草始於伯高。然書雖狂。皆入晉法。高青丘曰。東坡題逸少。則詆張為書工。昌黎石鼓歌。又詆王為俗書。亦詩人抑揚太過。未可以為口實。金薤琳琅曰。郎官石刻。唐楷無出其右者。在宋元時。已不可得。王奉常跋曰。天下止此一本。碑中如容字。極字。皆取法虞永興廟堂碑。未可謂無所本。然視彥超重刻。寔有出藍之觀。

集古錄曰張從申書李陽冰多為之篆額時人必稱為  
二絕其為世重如此余於從申書棄者多矣時錄其一  
二者以名取之也東觀餘論曰從申右軍之外不窺一  
步

石墨鐫華曰徐嶠善書以法授子浩嘗論書曰鷹隼乏  
彩而翰飛戾天者骨勁而氣猛也顰翟脩色而翱翔百  
步者肉豐而力沉也若照耀而高翔書之鳳凰矣可謂  
誇詡之極今觀不空碑雖結法老勁而微少清逸唐書  
中似非其至者米襄陽曰徐浩晚年力過而鈍乃無氣

骨不如作郎官時婺州碑也董孝子不室皆晚年惡札全無妍媚此自有識者知之

廣川書跋曰顏太師書天得也名節偉然為天下第一而世皆傳公為善書人今習藝者皆深墨重筆如指畫木印自謂能學公書矣昔夫子能拓闕而不以力聞蓋以慎其所習也公於書自喜常患後世不傳則其臨流俗中亦自取累耳王弼州曰真卿字靖碑道勁鬱渟故是誠懸鼻祖然視虞永興褚河南間閭氣象不無小乏又曰魯公書如東方像家廟碑歲天骨道峻風稜射人

多寶塔結法尤整密。但貴在藏鋒。小遠大雅。不無佐史之恨耳。蒼潤軒碑跋云。多寶塔碑最窘束。而世人最喜。正如杜少陵詩。佳處滿卷。而學者徒取其硬澀。此殆曹子建所謂蘭茝馨香。人之所嗜。而海畔有逐臭之夫者也。寶晉齋曰。大抵顏柳挑踢。為後世醜恠。惡札之祖。從此古法蕩無遺矣。唯鹿肉乾脯及馬病帖。渾厚淳古。無挑踢之習。是刑部尚書時合作。又曰。魯公行字可效。真便入俗。

韓滉傳曰。太沖得張旭筆法。嘗自言不能定筆。不可論。

書畫以非急務故自晦不傳於人

集古錄曰。瞿令問。喜名之士也。其所有為。惟恐不異於人。所以自傳於後世者。亦惟恐不奇。而無以動人之耳目也。視其詞翰。可以知矣。古之君子。誠恥無聞。然不若是之汲汲也。

集古錄曰。柳子厚所書碑。世頗多有。書既非工。而字畫多不同。疑有竊借其名者。金石錄曰。子厚頗自矜其書。然亦不甚工。今見於世者。唯般若和尚碑。與彌陀和尚碑耳。雖字畫小大不同。然筆法絕相似。歐陽公疑他人

借名者非也。

海嶽書評曰：沈傳師遺蹟有龍游扁踞之勢。金石錄謂柳州井銘字畫不工，疑是偽帖。叢譚曰：長沙之西有道林寺，傳師題詩甚工，書於牌犬字如掌。元章為微宦時，艤舟湘江，就寺主僧借觀。一夕張帆，攜之遁去。僧亟訟於官，官為遣健步追還，世以為口寔也。

集古錄曰：柳公權書往往不同，雖其意趣或出於臨時，而亦繫於摸勒之工拙。石墨鐫華曰：大都柳書筋骨太露，不免支離。宜米南宮之鄙為惡札，而宣城陳氏之笑

其不能用二王法也。莫廷韓曰：柳少師書興公後序及諸賢詩而不書禊帖，政自不敢與逸少抗衡耳。亦供奉不復題黃鶴樓意耶？古人虛心服善，類如此。董思白曰：柳尚書力變右軍法，蓋不欲與禊帖面目相似。所謂神奇化為臭腐，故離之耳。王弇州曰：分祕塔碑，柳書之最露筋骨者，道媚勁健，固自不乏。要之晉法亦大變耳。王弇州曰：裴休書圭峰碑，得率更筆意，但休能知密為四依十地人，其自待當不遠。而後為于闐王子願，姓名於背，豈猶未能離輪迴耶？

王弼州曰懷仁集聖教序結體無別構偏傍多假借蓋  
集書不得不然開帖中更有取從旁添註之字摹入行  
中大小不均弼子毋體學書者不可為訓恬致堂曰懷  
仁嗜奇偏於王帖中擇其峭刻頽挫者聯貫布之雖於  
鉤掣映帶極意求其血脉而平懷澹宕之致不存矣

王弼州曰藏真書雖從二張草聖中來而結體極謹密  
微有不可識者或從心時波磔不應手也或以道放目  
之當是種芭蕉濃渲染葉時筆不然恐非周越高閑輩  
所辦也若後人作草隨俗繳繞不合古法不識者以為



奇不滿識者一笑。廣川書跋曰：素雖馳騁繩墨外，而回旋進退，莫不中節。至旭則更無蹊轍可擬，超忽變滅，未嘗覺山谷之險，原隰之夷，以此異耳。

金石表曰：賈島弟旡可書，窳照碑體，近歐柳之間，惜少蘊蓄耳。

尹師魯曰：楊凝式書，馳騁自肆，蓋得於已意，刻之則其似可盡，其得意不可盡。容臺集曰：少師皆以欹側取態，獨夏竦一帖，絕無發風動氣處。

東維子集曰：李西臺書，與林和靖絕相似。西臺傷肥，而

和靖傷瘦前輩評書皆然余謂和靖清枯之士也瘦之傷為不誣西臺與重溫潤稱其為人何肥之傷哉吳師道曰李西臺雖在宋初寔唐人書法之終也過此則益變而下矣

黃文獻集曰范文正公為蘓才翁書伯夷頌脩畫楷法卷末題云書法亦要切磋未是處無惜賜教此頌嘗入秦檜賈似道家固不逞為公汙然檜獨繫之詩曰韓范不時有此心誰與論則觀者未嘗不發笑也

文徵明曰蘓舜欽端勁沉著得力於顏而評者謂花發

上林月滙淮水豈其然乎王魯齋曰米老評子美書如五陵年少亦太貶矣觀其神韻意度終非南渡後人所及平園集曰同時則妬賢嫉能異世則哀窮悼屈使劉元喻輩見子美詞翰於百年之後則所謂一經之舉者安知不轉為十襲之藏乎

梁溪集曰歐陽文忠公清勁自成一家公嘗言學書勿浪書事有可記者他日便為故事

姑溪集曰蔡君謨行筆遲肉勝骨容臺集曰君謨書畫錦堂記一字數十更存其合者總得頗碑什七耳蘇東

坡曰李國主本無所得舍險與瘦一字不成宋宣獻清而復寒正類李西臺重而復印俱不能濟所不足蘇子美兄弟俱秀俊非有餘乃不足也蔡君謨如文姬胡笳十八拍雖清氣為頓挫亦時有閨房態度米襄陽曰君謨書如懷春女子體態妖嬈訪雲尋雨鄧肅曰蔡書溫厚而弱下筆端嚴不涉靡豪習氣故有宋四家蘇軾藉黃流麗米峭跋而蔡以渾厚居其上

東坡集曰李公擇初學草書所不能者輒雜以真行劉貢父謂之鸚哥嬌其後稍進問僕吾書比來何如僕對

曰可謂泰結了矣與可聞之大笑是日坐人爭索與可草書落筆如飛初不經意劉意謂賜觀之於人言止能道此數句耳

山谷云東坡少摹徐會稽中年寫顏尚書真行晚乃喜李北海書或謂中年愛用諸葛豐雞毛筆故字畫稍加肥壯晚歲自儋州回挾大海風濤之氣作字如古槎怪石如怒龍噴浪奇鬼搏人書家不及也谷又云東坡用筆不合古法彼蓋不知古法從何出耳嘗云學書懸帖壁間觀之得其大意故自成一家或曰坡公作戈多成

病筆腕著而筆臥字皆左秀而右枯

北礪集曰山谷草聖不下顛張醉素行楷勿逮也要皆自成一家如王謝子弟不冠不襪流俗人盛服振襟不如也然宣和書譜不與當時有云晉唐法多被蘇黃寫壞故耶王欽佩曰山谷楷書如劉阮之徒章甫俎豆又曰黃真書不足存有韻無體故也公嘗自評元祐間書筆意癡鈍用筆多不到處晚入峽見長年盪槳乃悟筆法又云元祐間用筆不知擒縱故字中無筆耳蓋公以紹聖入黔獲覩藏真自序故以紹聖後為佳大都以側

險為勢以橫逸為功老骨顛態種種槎出常作連綿之草自謂得藏真三昧也

容臺集曰米元章少壯未能立家一一規摹古帖當時有集字之譏及錢穆父呵其刻畫太甚宜以勢為主乃大悟脫盡本家自出機軸六研齋曰善臨摹者千古一人而已然每以不及古人為恨或言真者在前氣餒殺人或言若見真蹟慚惶殺人蓋不自滿假如此祝允明曰為襄陽之學者大抵步入狂狷故亦願學而資力兼乏乃不易耳又曰南宮自謂其書為刷字當自言其

用筆之迅勁耳而人多以偏欹槎枒間求之如墮帚之  
掃壁老顛有知寧無撫几絕叫耶

王弼州曰米友仁書亦顛秀可喜但結法既不古又乏  
變態耳黃魯直贈之詩曰希兒筆力能扛鼎教子元暉  
繼阿章取羲之獻之故事耳書家不愧箕裘者有大小  
鍾大小衛大小王大小歐陽大小米唯小米為差弱

清容居士集曰薛道祖與米元章劉巨川為三友朝夕  
議論晉唐雜蹟圖畫而書各成一家唯劉書罕傳紹興  
中購薛米書最急後御府刻米帖十卷而薛不入石余



問其故於子昂。子昂曰：薛書誠義微有按摸脫鑿之嫌耳。

鄭子京曰：蔡京書令人掩鼻而過。黨人碑各省刻之，故工拙又不同也。

虞道園曰：自蔡君謨以上，猶有前代典型。其後坡谷出，遂風靡從之。而魏晉之法盡矣。米元章、薛紹彭、黃長睿諸公，方知古法，而長睿書不逮所言。紹彭最佳，而世不傳。米氏父子書舉世學其奇恠，流弊盛於江南。遂有于湖之險，至於即之而惡，謬極矣。元初士大夫多學顏書。

雖刺鵠不成尚可類鶩而宋末知即之之謬者乃尚歐陽率更書纖弱僅如編葦亦氣運使然耶甫田集曰于湖師顏魯公嘗為高宗所稱即之稍變而刺急遂自名家

王弇州曰朱晦翁書筆勢迅疾無意求工而自合書家矩矱又曰世但知其題匾書如松枯石老而不知其行草書皆天真秀逸

東里集曰夢英書廟堂記其法一本柳誠懸然骨氣態度皆弱不及也嘗篆書偏旁字源示郭忠恕忠恕報書

曰所謂何人知之唯英公知之大有譏諷意

劉涓谿曰舊見魏鶴山取篆字施之行草書常笑其自苦無益鶴山書鄉字從邑有效之者鄉亦從邑

王弇州曰王庭筠行書全學南宮正書稍存廉陽雖筋骨不乏而姿態遠遜矣

宋學士集曰趙文敏之書凡三變初臨思陵中學鍾繇及羲獻諸家晚乃學李北海東里集又謂初學鍾元常後欲展大字乃入北海而終主王右軍容臺集曰吳興學黃庭內經時年三十八歲最為善者成名以後隤然

自放亦小有習氣則似晚年學李兵王弼州曰承旨中  
年以後筆當是最妙出入北海而有不勝其婉媚者何  
也徐文長曰世好趙書女子取其媚也責以古服勁裝  
可乎蓋帝胄王孫求馬輕纖足稱之矣然可以為槁澀  
頑廉枯槁蒸餅之藥澹園集曰松雪下筆無一點俗氣  
亦其胸次使然後人效之多肉而少骨力至貽墨豬之  
誚六研齋曰東坡評李西臺書曰雖可愛終可鄙雖可  
鄙終不可棄余嘗借為子昂方寸大字之評聞者瞿然  
固難為漢見寡聞者道也

王弼州曰鮮于困學徃徃以骨力勝而少姿態趙吳興  
極欽服之或謂吳興嘗以已書三紙易困學一紙焚去  
以其軀已也然困學每自言惡札汚几案不可以示人  
又云南方士大夫為予北人嚴識點畫撫謙如此

王弼州曰解縉才名噪一時而書法亦稱之能使趙吳  
興失價百年後寥寥乃爾然世所多見者狂草其所以  
寥寥者亦坐狂草藝苑危言曰縉狂草縱蕩無法正書  
頗妍

李紹文曰太宗徵善書者試而官之最喜雲間二沈皆

婉麗飄逸度書不作行草繁亦間作楷法不欲兄弟爭  
能也姜立綱小變二沈為方整就其體中可謂工至而  
不免於俗王弇州曰春宮四子書讀本初見絕似沈度  
學士書徐乃覺其波磔處小露鋒鏃乃定為姜筆

紹興志曰王新建行書師聖教序而得其骨但波豎不

脫張南安李文正法耳

震澤集曰張弼狂草醉墨流落人間詹氏小辨曰李東陽草書

勁健自成一家

朱長春曰新建書法度不盡師古而道邁冲逸

超然塵表

珊瑚網曰祝京兆草師外父楷學婦翁

外父徐武功草出類素婦翁李

漢溪書法通

卷一

解

名人論書

十六

少微楷故李公嘗言祝姬書嚴整而少恣態蓋早年書  
也晚學諸體乃益奇縱周天球曰或者評其不出正鋒  
蓋謂此老目視短不能懸筆動肘耳又曰若鈞剔之際  
少加含蓄便是大家矣王弇州曰京兆任誕好恠其書  
祖延貴墓志雖倣眉山而微墮樗寮輒然斤斤有古意  
亦其佳者

文嘉行略曰徵明少拙於書初模宋元繼悉棄去專師  
晉唐自課日臨寫千文十本清晨籠首書一本畢然後  
下樓盥洗見客王奉常集曰公作小楷多偏鋒而鋒穎

太露少年時體扁而多作尖筆行書學聖教序年九十時猶作蠅頭書人以為仙然運筆未免強澀其最合作者五六十時也簡札少不當意必再三易之不厭常曰吾以此自娛非為人也

藝苑卮言曰夏言書正行皆道義但肥過而滯老過而稚

詹氏小辨曰豐坊書有腕力神韻不足書史會要曰坊喜用枯筆故乏風韻

董其昌我鄉莫中江書自謂得之聖教序然其體小異



及見右軍官奴真蹟儼然莫公書也。

藝苑卮言曰莫是龍行草豪逸有態小楷精工過於婉媚。

董其昌曰吾學書在十七歲時初師顏平原多寶塔後改學虞永興以為唐書不如晉魏遂倣黃庭及元常諸帖三年自謂逼古不復以文徵仲祝希哲置之眼角乃於書家之神理寔未有入處徒守格轍耳比遊嘉興得盡觀項子京家藏真蹟又見右軍官奴帖於金陵方悟從前妄自標評自此漸有小得今將二十七年猶作隨

波逐浪書家翰墨小道其難如是  
史惇曰張瑞圖不能作楷行草亦無晉唐法用筆自成  
一家甚有異趣可比宋之樗寮